

爲國役，雖被仰伊豫國，構守護濫妨地頭正稅對捍申子細候間，嚴密被問答之最中也。縱雖申領狀，日數相迫難終功歟。次諸家禮服，擾亂之時大略紛失，西園寺家門適相殘之處，寶藏炎上之時，數具燒失了。仍於今者大略可被新調之間，來月難叶之由內辨以下申也。此外褰帳女王典侍以下，難出立得歟。就彼是延引可宜之由，所有其沙汰也。且御即位三月之外，佳例月々多之，就中四月雖不可有子細，安德天皇以後，無其沙汰之間，七月猶依爲規模，可爲被月之由所被思食也。閏六月廿九日○中御即位事者，三月延引之時，任元曆例，七月可有沙汰之旨治定畢，而花園院一周御忌月當今年十一月，大祀有無被勘先例之處，承平元年七月，宇多院新主朱雀院御祖父有御事，同八月被行仗儀，今年大嘗會延引，同二年被行之畢，頗是準的，此上今年大祀難澁歟，兼又有憚年々外七八月以往有御即位，當年不被行大祀之條，先規不訴哉。此上於大嘗會者，以明年被行之，御即位今年十月可被行歟，然者御訪事，九月以前可有沙汰乎，御即位事，來月可有沙汰之旨治定了，而御訪事于今不及沙汰，難澁之由，行事官等令申之上，當年大嘗會難被行歟。此上御即位七月延引，以十月被行之條，可爲何樣哉，若可然者御訪事，九月以前可有沙汰哉，就被仰合之旨注進兩義了，後日勅語由委細之旨叶宜，以其分被仰遣了，但聊有被增減事云々者。

〔花營三代記〕應安四年十一月一日，御即位○後圓融御沙汰被始行，於管領亭。二日，同御沙汰於御所被行，諸國段錢，洛中邊土土藏別三十貫，酒屋壺別二百文云々。

〔後龍翔院左府記〕永德二年十二月廿八日壬寅，今日御即位也。○後小松

一今日御即位事，仙洞更無御口入，攝政殿左大臣兩人被申行之云々。

一局務師香朝臣被下御訪貳千匹也，應安度，故師義朝臣爲三千匹，六位外記稱行事師仲三百疋御訪爲外辨著座，康隆五百疋御訪賜之，如應安者，行事師興千疋，外辨師豐五百疋云々，今度自應安尙以減少，未來之後，不能是非歟，爲零落之基哉。